

Na osnovu Ugovora o poslovnoj saradnji Kantona Sarajevo - Ministarstva privrede (br. 07-04-19-27828-6/16)
i Bosna Bank International d.d. Sarajevo (br. 043-04-8436/16), objavljuje se:

JAVNI POZIV

SUBJEKTIMA MALE PRIVREDE (MSP) ZA PODNOŠENJE ZAHTJEVA ZA ODOBRENJE FINANSIRANJA

1. PREDMET POZIVA

Predmet poziva je prikupljanje zahtjeva za odabir korisnika sredstava finansiranja u skladu sa uslovima Javnog poziva za subvencioniranje profitne marže.

2. PRAVO UČEŠĆA - KORISNICI LINIJE FINANSIRANJA

2.1 Pravo učešća

- Subjekti male privrede koji trajno obavljaju zakonom dozvoljene djelatnosti radi ostvarivanja dohodka odnosno dobiti na način kako je to propisano Zakonom o poticaju razvoja male privrede ("Službene novine Kantona Sarajevo", broj: 29/15).
- Subjekti koji imaju sjedište na području Kantona Sarajevo.
- Subjekti koji su po osnovu tekuće kreditne zaduženosti, a prema podacima iz CRK-a „A“ kategorija (dozvoljena je i „B“ kategorija ukoliko ista nije nastala zbog stvarnog kašnjenja subjekta u otplati kreditnih obaveza).
- Subjekte koji posluju likvidno i da su zadovoljavajućeg boniteta.

2.2 Sredstva se neće odobravati za projekte iz sljedećih oblasti:

- Obavljanje samostalne ugostiteljske djelatnosti;
- Proizvodnja oružja i vojne opreme;
- Proizvodnja ili izvoz duhanskih proizvoda i alkoholnih pića;
- Primarnu poljoprivredu;
- Otvaranje kasina i drugih igara na sreću;
- Policijske i vojne aktivnosti;
- Finansiranje državnih institucija, neprofitnih fondacija, udruženja i organizacija, sve vrste finansijskih institucija uključujući i banke i
- Druge djelatnosti i namjene koje su internim aktima BBI označene kao nedopuštene.

3. NAMJENA SREDSTAVA

Linija finansiranja ima za cilj pružiti finansijsku podršku subjektima male privrede za produktivnije poslovanje i rast privrednih aktivnosti, finansiranja za trajna obrtna sredstva, osnovna sredstva i investicije (dugoročna finansiranja). Sredstva iz ove Linije finansiranja trebaju omogućiti pokretanje nove i održavanje postojeće proizvodnje, pružanje usluga, veću iskorištenost kapaciteta, održavanje postojećih radnih mjesta, očuvanje postojećeg broja subjekata male privrede, prevazilaženje negativnih učinaka ekonomske krize, novo upošljavanje i povećanje izvoza. Za realizaciju ove Linije finansiranja BBI je obezbjedila sredstva u iznosu od 40.890.000,00 KM, a Kanton Sarajevo - Ministarstvo privrede će subvencionirati dio godišnje profitne marže u visini 3 (tri) p.p. (procentna poena) po svakom pojedinačnom finansiranju za sve korisnike sredstava koji ispoštuju posebne uslove definisane u ovom Javnom pozivu. Linija finansiranja ima za cilj da pruži finansijsku podršku subjektima male privrede za produktivnije poslovanje i rast privrednih aktivnosti, finansiranja za trajna obrtna sredstva, osnovna sredstva i investicije (dugoročna finansiranja).

4. KRITERIJI ZA UTVRĐIVANJE ODABIRA KORISNIKA LINIJE FINANSIRANJA

Osnovni kriteriji za odabir korisnika linije finansiranja su:

- Vrsta djelatnosti (proizvodna, uslužna i proizvodno-uslužna);
- Broj uposlenih;
- Povećanje zaposlenosti;
- Namjena utroška sredstava;
- Proizvodi i usluge kojima se ostvaruje veća dodatna vrijednost;
- Izvori-način finansiranja projekata;
- Orijentisanost ka izvozu i
- Formalno-pravno uredna dokumenta za obezbjeđenje finansiranja.

5. INFORMACIJE O ROČNOSTI, NAMJENI, IZNOSIMA I VISINI SUBVENCIJE

5.1. Dugoročna okvirna finansiranja za trajna obrtna sredstva

- Dugoročna okvirna finansiranja za trajna obrtna sredstva se odobravaju na rok do tri godine (36 mjeseci), u iznosu do 1,000,000.00 KM uz obavezno revolviranje iskorištenih sredstava svakih 12 mjeseci.
- Visina subvencionirane profitne stope je 1,89% (4,89% prije subvencije) za korisnike sredstava. Naknada za obradu zahtjeva iznosi maksimalno 1,89% od iznosa finansiranja, minimalno 200,00 KM.
- Poseban uslov za isplatu subvencije je uredno izmirivanje svih poreskih obaveza i dospjelih obaveza po finansiranjima.
- Subvencije se isplaćuju polugodišnje, a na bazi prethodno urađenog monitoringa.

5.2. Dugoročna anuitetska finansiranja

- Dugoročna anuitetska finansiranja za osnovna sredstva i kapitalne investicije se odobravaju na rok od tri godine (36 mjeseci) do sedam godina (84 mjeseci) u iznosu do 1,000,000.00 KM.
- Visina subvencionirane profitne stope je 1,89% (4,89% prije subvencije) za korisnike sredstava. Naknada za obradu zahtjeva iznosi maksimalno 1,89% od iznosa finansiranja, minimalno 200,00 KM.
- Poseban uslov za isplatu subvencije je uredno izmirivanje svih poreskih obaveza i dospjelih obaveza po finansiranjima.
- Subvencije se isplaćuju polugodišnje, a na bazi prethodno urađenog monitoringa.

6. POTREBNA DOKUMENTACIJA

6.1. Potrebna dokumentacija:

- Zahtjev kojim se definiše namjena, iznos i rok otplate finansiranja;
- Rješenje o upisu u Sudski registar sa svima izmjenama i dopunama;
- Aktuelni izvod iz Sudskog registra ne stariji od 90 dana;
- Statut i odluka o osnivanju preduzeća;
- Uvjerjenje o poreskoj registraciji od porezne uprave – ID broj;
- Uvjerjenje o registraciji obveznika poreza na dodanu vrijednost – PDV broj;
- Obavještenje nadležnog zavoda za statistiku o razvrstavanju po djelatnostima;
- Uvjerjenje nadležne porezne uprave/UIO da nema neizmirenih obaveza po osnovu javnih prihoda;
- Kopija lične karte i CIPS za lica ovlaštena za zastupanje;
- Izjava o povezanim licima;
- Saglasnost za provjeru Centralnog registra kredita (CRK);
- Izveštaj eksternog revizora (samo za dioničarska društva);
- Biznis plan, projektovani bilanci i gotovinski tokovi za period otplate finansiranja;
- Program ili projekat, sažetak projekta po osnovu kojeg se podnosi zahtjev za finansiranje;
- Očekivani efekti u zapošljavanju, shodno biznis planu;
- Bilans stanja i uspjeha za prethodne dvije godine, te preliminarni finansijski pokazatelji za tekući period;
- Dokumentacija za obezbjeđenje finansiranja i instrumenti obezbjeđenja finansiranja (kolateral) koje određuje banka, u skladu sa svojom poslovnom politikom i ovisi o bonitetu komitenta; i
- po zahtjevu banke i ostala dokumenta u skladu sa internim aktima banke.

6.2. Potrebna dokumentacija za založno pravo:

Potrebna vrijednost založnog prava u odnosu na iznos odobrenog finansiranja utvrđuje se u skladu sa aktima banke i ovisi od visine zahtjeva za finansiranje i sveukupnog boniteta klijenta.

Uobičajene vrste kolaterala koje BBI Banka prihvata su:

- Založno pravo na nekretnine;
- Založno pravo na opremu;
- Mjenice firme;
- Lične mjenice vlasnika privrednog društva ili obrta;
- Ugovor o asignaciji;
- Polisa osiguranja vinkulirana u korist BBI;
- Ostalo u dogovoru sa bankom

Za ponuđeno obezbjeđenje (zalag pokretne i nepokretne imovine) obavezno je dostaviti procjenu sudskog vještaka (procjena nekretnine ne smije biti starija od 6 mjeseci i treba biti izvršena od ovlaštenog sudskog vještaka prihvatljivog za banku), dokument koji dokazuje vlasništvo (ZK izvadak ne stariji od 30 dana) i kopiju katastarskog plana.

7. ROKOVI

Rok za podnošenje zahtjeva za finansiranje prema uslovima javnog poziva počinje teći od dana objavljivanja u sredstvima javnog informisanja i traje do 31.12.2016.

8. MJESTO I NAČIN PODNOŠENJA ZAHTJEVA

Zahtjevi za finansiranja sa potrebnom dokumentacijom podnose se u zatvorenim kovertama sa naznakom "Zahtjev za finansiranje iz linije Kantona Sarajevo" lično na protokol ili preporučenom poštom, na adresu:

BOSNA BANK INTERNATIONAL d.d. Sarajevo, Trg djece Sarajeva b.b., 71.000 Sarajevo ili putem elektronske pošte: linijakantonasarajevo@bbi.ba

9. UGOVOR O FINANSIRANJU

Prijem zahtjeva, proces analize, obrade i odobravanja za finansiranje iz sredstava finansijske linije vršit će se u skladu sa redovnim procedurama BBI banke. Ugovore o finansiranjima sa korisnicima sredstava zaključivati će BOSNA BANK INTERNATIONAL d.d. Sarajevo. Ugovorom će se definisati međusobne obaveze i prava ugovornih strana, te način korištenja finansiranja. Za sva finansiranja je obavezan monitoring od strane BBI na polugodišnjem nivou, u skladu s Ugovorom. Monitoring se provodi do kraja narednog polugodišta za proteklo polugodište. Korisnik sredstava je u obavezi dostaviti BBI svu potrebnu dokumentaciju u svrhu dokaza ispunjenja posebnih uslova iz ugovora i ostvarivanja prava na subvencioniranu profitnu maržu. Korisnik sredstava je u obavezi da BBI dostavlja svu neophodnu dokumentaciju putem koje će se moći utvrditi namjensko trošenje sredstava u skladu s ugovorom između BBI i korisnika sredstava.

10. OSTALO

U postupku podnošenja zahtjeva po Javnom pozivu banka ne snosi nikakve troškove učesnicima, te zadržava pravo da u slučaju opravdanosti zahtjeve u potpunosti odbije. Dostavljena dokumentacija se ne vraća.

11. INFORMACIJE

Dodatne informacije prije samog podnošenja zahtjeva u toku Javnog poziva mogu se dobiti putem BOSNA BANK INTERNATIONAL d.d. Sarajevo, telefon: **033 275-264, 033 275-284;** fax: **033 203-122**, e-mail: linijakantonasarajevo@bbi.ba